



Broj: **05-036- 348/17**
Sarajevo, 16.11.2017. godine

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05) a u vezi sa članom 70. stav (1) i stav (4) Zakona o javnim nabavkama Bosne i Hercegovine («Sl.glasnik BiH» br.39/14), nakon provedenog Otvorenog postupka javne nabavke usluga, a na osnovu Preporuke broj 03-033-1341/17 od 15.11.2017.godine i Izvještaja Komisije za javnu nabavku, Direktor Zavoda za izgradnju Kantona Sarajevo **donosi**

ODLUKU

o poništenju postupka javne nabavke

1. **Poništava se postupak javne nabavke radova za „Izvođenje radova na uspostavljanju sistema odplinjavanja i servisiranja postojećih baklji za spaljivanje deponijskog plina na Regionalnoj deponiji u Sarajevu“ – e aukcija, zajedno sa Obavještenjem o nabavci broj: 285-1-3-93-3-107/17 objavljenim na Portalu javnih nabavki dana 20.10.2017.godine, Sažetak obavještenja o nabavci objavljen u „Službenom glasniku BiH“, broj 77/17, u skladu sa članom 69. stav (2) tačka a.) Zakona o javnim nabavkama BiH („Službeni glasnik BiH“ br.39/14).**
2. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo u skladu sa članom 70. stav 6. Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javnog nadmetanja broj: 05-036-319/17 od 19.10.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju, objavio Obavještenje o nabavci broj: 285-1-3-93-3-107/17 na portalu javnih nabavki i objavio tendersku dokumentaciju za „**Izvođenje radova na uspostavljanju sistema odplinjavanja i servisiranja postojećih baklji za spaljivanje deponijskog plina na Regionalnoj deponiji u Sarajevu“ – e aukcija** na portalu javnih nabavki u skladu sa članom 55. stav (1) tačka d.) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-nabavke“ („Službeni glasnik BiH“ br. 90/14, 53/15).

Javna nabavka za „**Izvođenje radova na uspostavljanju sistema odplinjavanja i servisiranja postojećih baklji za spaljivanje deponijskog plina na Regionalnoj deponiji u Sarajevu“** oglašena je u „Sl. glasniku BiH“ br. 77/17 od 27.10.2017. godine.

Iz Izvještaja o preuzimanju tenderske dokumentacije preuzetog sa portala javnih nabavki, a na osnovu objavljenog Obavještenja broj: 285-1-3-93-3-107/17, vidljivo je da su tendersku dokumentaciju preuzeli : „BBS Europe“ d.o.o. Istočno Sarajevo, „Euro-Asfalt“ d.o.o. Sarajevo, „Star Centar“ d.o.o. Živinice, „Alfa – Nur“ d.o.o. Tuzla, „E-Storm“ d.o.o. Beograd, „Klarwin“ d.o.o. Slovenija, „Elcom“ d.o.o. Tuzla i „Izgradnja Tojaga“ d.o.o. Mostar.





Iz izvještaja Komisije vidljivo je da se Komisija sastala dana 14.11.2017.godine, radi preuzimanja i otvaranja ponuda za „**Izvođenje radova na uspostavljanju sistema odplinjavanja i servisiranja postojećih baklji za spaljivanje deponijskog plina na Regionalnoj deponiji u Sarajevu**“ koju je podnio jedan ponuđač i to: „Process Engineering“ SRL Rumunija.

Komisija je iz Izvještaja o preuzimanju tenderske dokumentacije preuzetog sa portala javnih nabavki konstatovala da ponuđač „Process Engineering“ SRL Rumunija **nije lično preuzeo tendersku dokumentaciju sa portala javnih nabavki pa samim tim ne može biti učesnik u predmetnom postupku javne nabavke**, jer se radi o načinu preuzimanja koji nije predviđen članom 55. stav (1) Zakona o javnim nabavkama BiH („Službeni glasnik BiH”, broj 39/14).

Na otvaranju ponuda prisustvovali su ovlašteni predstavnici ponuđača „Process Engineering“ SRL Rumunija.

Ponuda ponuđača „Process Engineering“ SRL Rumunija vraćena je ponuđaču na licu mjesta NEOTVORENA, što je komisija konstatovala i u Zapisniku o otvaranju ponuda.

Zbog svega gore navedenog Komisija je zauzela stav da se predmetni postupak javne nabavke poništi u skladu sa članom 69. stav (2) tačka d) Zakona o javnim nabavkama BiH („Službeni glasnik BiH“ br.39/14).

Komisija predlaže Ugovornom organu da se u skladu sa članom 69. stav (2) tačka d) **poništi postupak javne nabavke za „Izvođenje radova na uspostavljanju sistema odplinjavanja i servisiranja postojećih baklji za spaljivanje deponijskog plina na Regionalnoj deponiji u Sarajevu“** iz razloga što nijedna od primljenih ponuda nije prihvatljiva.

Shodno navedenom odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka. **Naknada za pokretanje žalbenog postupka iznosi 3.500,00 KM i podnosi se Uredu za razmatranje žalbi.**

DOSTAVITI:

1. web stranica Zavoda <http://zik.ks.gov.ba>
2. a/a



DIREKTOR

Ljiljana Pelidija, dipl.ing.grad.

